

մարական կոչելով զհրովարտակն Արքայի • և 'ի յաստկանալ վիճմանց՝ Լատինք զիմեցին առ Դատաւորն , յանցաւոր ցուցեալ զՀայս իբրու թէ արգելուլ կամին զճանապարհ նոցին • ցուցանելով զհին հրովարտակս իւրեանց , և ապա յաւելին զմեծութիւնս կանթեղացն Հայոց յԱյրին , զսփռոցն անդ 'ի ժամ պատարագի , զհիւսիսային դուռն եւ զպատկերն 'ի վերայ նորա , եւ թէ յառաջագոյն չէր սփռոց , այժմ տիրեալ Հայոց եկեղեցւոյն՝ խափանեցին ըզճանապարհն , և այլ սոցին նման բանք • որոց Դատաւորն արար պատասխանի՝ չունիլ իրաւունս և ոչ միոյ իւրիք 'ի նոցանէ՝ զի հրովարտակ նոցին էր հին , այլ վասն ճանապարհին խոստացաւ նոցա կոչել զՀայս և տնօրինել , զի ակն ունէր առնուլ ինչ 'ի նոցանէ • ապա կոչեալ զՀայս մեղադիր լինէր նոցա , թէ ընդէ՞ր ոչ ազդ արարին ինքեան զհակառակութիւնս Լատինաց , ապա յորդորէր ըզնոսա սիրով վճարել զգործն , զի Բդեշխն ատելութեամբ էր ընդ Հայս • զի մի 'ի բողոքել Լատինաց քաջաւերութիւն գտեալ արկցէ զնոսա 'ի տուգանս , այժմ պարտ է ասէր խօսիլ միայն վասն ճանապարհին , մինչեւ դարձցի Բդեշխն 'ի տեղի իւր , և ապա զամենայն ինչ յօգուտ ձեր կարգաւորեցից :

Ակամայ կամօք խոնարհեցան Հայք ընդ այս՝ յահէ Բդեշխին , զի մի բազմասցին թշնամիք : Լատինք յուսացեալ էին 'ի բանս Դատաւորին , եւ նա ակն ունէր իւրոց իրաւանց • և այսպէս յերերիլ գործոյն՝ տարագրեցաւ Դատաւորն , որպէս գրեցաք • Լատինք վերստին յուզեցին զկուիւն 'ի Բեթղէհէմ , զինեալ զՖէլլա՜ ժողովուրդս բարձին և 'ի բաց ընկեցին զսփռոցն՝ և հարեալ զմիաբանս անցին 'ի միջոյ նոցա • լուեալ զայս միաբանացն Հայոց յերուսաղէմ , ազդ արարին Լատինաց • բայց նոքա բարկացեալ չետուն պատասխանի , ուստի հարկ եղեւ զիմել առ Քաղաքապետն , զի մի հեղցի արիւն և կամ մնաս ինչ գործեսցի՝ եւ բացցի դուռն տուգանաց : Քաղաքապետն կամեցաւ պատժել զմիաբանս Լատինաց Բեթղէհէմի , այլ Հայք ոչ ետուն թոյլ • զի մնաս մեծ լինէր այն ինքեանց 'ի կողմանէ Բդեշխին , այլ պատուիրել զլսաւորաց նոցին յերուսաղէմ : Եւ եղեւ 'ի խօսիլ նորա ընդ թարգմանի նո-